







1765



D I E X I F E B R U A R I I .

IN FESTO BB. SEPTEM FUNDATORUM
ORDINIS SERVORUM B. MARIE VIRG.

Pro Univerſo Dominio Auſtriaco , necnon pro Dominio Veneto .

Introitus.



Audeamus omnes in Dómino, diem feſtum celebrantes ſub honóre Septem Beatórum Patrum : de quorum feſtívitate gaudent Angeli , & collaudant Filium Dei . *Psalmus 134.* Laudáte nomen Dómini, laudáte ſervi Dóminum . *v. Glória Patri, &c.*

Oratio.

Domine Jeſu Chriſte, qui in jugem memóriam Dolórum Sanctíſſimæ tuæ Genetrícis per Septem Beátos Patres nova ſervórum ejus família Eccleſiam tuam ſecundáſti: concéde nobis famulis tuis in hac lacrymárum valle degéntibus, ita ejúſdem moeſtiſſimæ Matris ſocios cum iſtis eſſe paſſiónum in terris, ut perpétuæ conſolationis conſórtes fieri mereámur in cælis: Qui vivis & regnas . *Lectio Epíſtolæ beáti Pauli Apóſtoli ad Philippénſes. Philip. 3. b*

Fratres: Quæ mihi fuérunt lucra , hæc arbitrátus ſum propter Chriſtum detriménta . Verúmtamen exíſtimo ómnia detriméntum eſſe, propter eminentem ſciéntiam Jeſu Chriſti Dómini mei: propter quem ómnia detriméntum feci; & árbitor ut ſtérora, ut Chriſtum lucrifáciam, & invéniam in illo, non habens meam juſtítiam, quæ ex lege eſt, ſed illam, quæ ex fide eſt Chriſti Jeſu: quæ ex Deo eſt juſtítia in fide, ad cognóſcendum illum, & virtútem reſurrectiónis ejus, & ſocietátem paſſiónum illius: configurátus morti ejus: ſi quo modo occurrám ad reſurrectiónem, quæ eſt ex mórtuis: non quòd jam accéperim, aut jam perféctus ſim: ſequor autem, ſi quo modo comprehéndam, in quo & comprehénſus ſum à Chriſto Jeſu.

Graduale. Psalm. 132. Ecce quàm bonum

& quàm jucúndum habitáre fratres in unum. *v. Ibid.* Sicut unguéntum in cápíte, quod deſcéndit in barbam, barbam Aaron . Allelúja, allelúja .

v. Hæc eſt vera fratérnitas, quæ vicit mundi crímina: Chriſtum ſecúta eſt, inclýta tenens regna cæléſtia . Allelúja .

Si venerit poſt Septuag. omiſſo Allelúja, & v. ſeq. dicitur Tractus. Pſal. 125. Qui ſéminant in lácrymis, in exultatióne merent, *v.* Eúntes ibant & flebant, mitténtes ſémina ſua. *v.* Veniéntes autem vénient cum exultatióne, portántes manípulos ſuos.



Sequéntia ſancti Evangélíi ſcúndum Lucam . *Lucæ 12. c*

In illo témpore: Dixit Jeſus diſcípulis ſuis: Nolíte timére puſillus grex , quia complácuit Patri veſtro dare vobis regnum . Véndite quæ poſſidétis, & date eleemóſynam . Fácite vobis ſácculos, qui non veteráſcunt, theſáurum non deficiéntem in cælis: quòd fur non appropriat, neque tinea corrúmpit . Ubi enim theſáurus veſter eſt, ibi & cor veſtrum erit.

Offertorium. Psalm. 44. Pro Pátribus tuis nati ſunt tibi filii, propterea pópuli confitebúntur tibi .

Secreta.

Præſta nobis, quæſumus, omnipotens Deus: ut noſtræ humilitátis oblátio & pro tuórum tibi grata ſit honóre Sanctórum, & nos corpore páriter & mente puríficet . Per Dóminum .

Communio. Joann. 15. Ego vos elégi de mundo ut eátis, & fructum afferátis, & fructus veſter máneat . *Postcommunio.*


Quæſumus, omnipotens Deus: ut qui cæléſtia aliménta percépimus, intercedéntibus Septem Beátis Conféſſóribus tuis per hæc contra ómnia advérsa muniámur . Per Dóminum noſtrum.



s tui
súp-
fan-
s &
tóres
Qui

dinis,
píscopi
a, &
eri Ur-
s No-
ni &
Sancto
ntificis
ia Sa-
Mar-
1767.
Regno
onicas
Ritu
in serà

2
: in
il
exo
up
illa
con
ant
vib
in
mon
aut
sob
ni
an







Biblioteka Jagiellońska



stdr0031890



